



194  
nach sin raimvon mēsch  
hait. **D**az bilde enpfahet  
wir in dem tofe. vnd daz  
sont ir gelolen alle die  
kraft die d' tof hat. die  
hat er vō dem blōt vns  
hēn. **W**on enwāri d' blōt  
vnsers hēn ihu xpi. so wā  
re d' wasser. alz and wass.  
**D**a vō hat d' tof so grosse  
kraft. d' er die sele raimet  
vñ wāschet vō dem bilde  
d'z tiuelz. **D**az dritte bild  
ist **G**ōtlich. vñ d'z wirt vñz  
gelen so wir ze hēmelriche  
kamēt. d'z ist d'z wir **G**ōt ge  
lich wident. an mēschlich  
vñ an **G**ōtlich nature. **H**ie  
vō spuchet sant iohānes  
in apocalypsi. d'z er sach vñ  
dē berge syon ain michel  
her. die alle dē lamb nach  
griengēt. d'z w' vñser hē.  
vñ w' den allen sin name  
vñ sin vatters name ge  
schribē an ir starnen. **D**is  
enmag man nit anders  
leuēten. won d'z wir **G**ōte  
wident. mit **G**ōte. vnd w'

194  
dēt im gleich. an d' **G**ōthait.  
vñ also wirt vñs sin vatt  
nam geschribē an vñser star  
nen. **D**z vñs ab sin nam an  
geschribē wirt. d'z ist d'z wir  
im gleich wident an d' mēsch  
hait. vñ die vrōde vñ wūne  
die **G**ōt hat in sin masse die  
wident och wir halend in vñs  
masse. **S**w nu **G**ōt geliche  
wil wden in hēmelriche. d' mōz  
im och hie gleich sin vñ ertri  
che. **W**on ain ieglich ding zō  
het sich zō sin geliche. d'z mer  
kēt. an vogeln. an tieren. vñ  
an all creatur. **W**on ez sit d'z  
ding d'v an sich ziehēt. **D**az  
erst ist gleich. alz ich da vor ge  
sprochen han. d'z ain ieglich  
ding sin geliche. zō im zōhet.  
**A**lso vil wir vñ ertrich **G**ōt  
gleich sint. also wident wir im  
och gleich in hēmelriche. **D**z  
v' merkēt wie wir im gleich  
sont sin. **D**z sont wir spuchet  
ysidōr. an raimait. vnd an  
ainvalait. **W**ir muget nit  
alz raim gelin. alz vñser hē.  
**A**b in vñser masse muget